

ՄՊԱՐՏԱԿԻ ՄՈՏ ԺԱՄԱՆԱԾ ՀԵԾԵԼԱԶՈՐԻ ՀԱՐՑԻ ՇՈՒՋ  
(Վարկած՝ Սպարտակի հետ Տիգրան Մեծի ռազմական կապերի  
վերաբերյալ)

ՌՈՒԲԵՆ ՄԱՆԱՍԵՐՅԱՆ

Մ. թ.ա. 73–71 թթ. Հին Հռոմում թրակիացի Սպարտակի (Սպարտակոսի) գլխավորությամբ տեղի ունեցած ստրուկների մեծ ապստամբության մասին կա փտահետազոտական և հանրամատչելի հարուստ գրականություն: Աստամբության ժամանակազրույթունը, ընթացքը, հիմնական իրադարձությունները հայտնի են շնորհիվ Սալլյուստիոսի «Պատմության» դրվագների, Պլուտարքոսի, Ապպիանոսի, Ֆլորոսի, Օրոզիոսի և այլոց հաղորդումների: Նրանց տվյալների հիման վրա XIX դ. վերջերին և XX դ. տարբեր երկրների պատմաբանները՝ քննության առարկա դարձնելով ապստամբության պատճառները, ապստամբների սոցիալական և էթնիկական կազմը, քաղաքական, ռազմավարական ծրագրերը, ռազմարվեստը, կրոնական հավատալիքները և այլ հարցեր, տվեցին ապստամբության՝ Կիկերոնի բնորոշմամբ «մեծ և դաժանագույն պատերազմի», ամբողջական պատկերը<sup>1</sup>:

Անհրաժեշտ է նշել, որ Հռոմի դեմ Սպարտակի պատերազմն առ այսօր դիտարկվում է միջազգային բեմահարթակից մեկուսացված, առանց հաշվի առնելու նրա կապերի հնարավորությունը Հռոմին ընդդիմադիր ուժերի հետ: Գուցե հենց դա է պատճառներից մեկը, որ, չնայած Սպարտակի ապստամբության նկատմամբ դիտական շրջանակներում եղած երկուհարյուրամյա հետաքրքրությունը, սկզբնաղբյուրները դեռ բովանդակում են փաստեր, որոնք բավարար պարզաբանում չեն ստացել: Մենք նախ և առաջ նկատի ունենք մ.թ.ա. 71 թ. սկզբներին Իտալիայի հարավում՝ Բրուտտիական թերակղզում հռոմեացիների կողմից սլաշարված սպարտակյան բանակ եկած հեծելազորի մասին Ապպիանոսի հայտնի հաղորդումը:

Սակայն մինչև մեզ հետաքրքրող հարցը հետազոտելը, համառոտակի անդրադառնանք դրան նախորդող իրադարձություններին:

<sup>1</sup> Т. М о м м з е н. История Рима. Т. III, М., 1941, с. 74; F. M ü n z e r. Spartacus - Pauly's Real Encyclopadie der classischen Altertumswissenschaft. Stuttgart, 1929, III A2. col. 1528-1536; J. С а г с о р и о. Histoire Romaine. Т. 2. La République romaine de 133 à 44 avant J.-C. Paris, 1936, p. 513-525. С. А. Ж е б е л е в и С. И. К о в а л е в. Великие восстания рабов II-I вв. до н. э. в Риме. Из истории античного общества. Известия Государственной Академии истории материальной культуры, вып. 101, М. - Л., 1934, с. 139-180. А. В. М и ш у л и н. Спартакосское восстание. Революция рабов в Риме I в. до н. э. М., 1936, ն ու յ ն ի ՚ Սպարտակ. М., 1947. К. П. К о р ж е в а. Восстание Спартака в советской историографии - "Вопросы истории", 1974, №10, с. 118-134; Spartacus. Symposium rebus Spartaci gestis dedicatum 2050a. Blagoevgrad, 20-24. IX. 1977, Sofia, 1981.

Ապստամբությունը սկսվեց 73 թ. սկզբներին՝ Կապուա քաղաքի գլխադատորական դպրոցում, գլխադատորների ըմբոստացմամբ: Մարտում ճանապարհ բանալով դեպի ազատութիւն՝ նրանք, Սպարտակի գլխավորութեամբ ամրացան մարած հրաբուխ Վեզուվիոսի բարձունքների վրա, որտեղից անակնկալ գորհով ջարդեցին իրենց դեմ ուղարկված պատժիչ զորամասերին: 73 թ. ընթացքում ապստամբները հասան նշանակալից հաջողութիւնների Կամպանիայում (Տիրենեյան ծովափի կենտրոնախտակական գալառում): Զգալիորեն համարվելով իրենց մոտ մասսայաբար փախչող ստրուկներով, կազմավորվելով և վարժվելով որպես բանակ, նրանք շարժեցին դեպի Իտալիայի հարավը՝ Լուկանիա, գրավեցին Նոլե, Նուցերիա, Մետապոնտում, Թուրիի քաղաքները: 72 թ. Լուկանիայից՝ արդեն 70000 հաղ. բանակով, արևելյան Իտալիայի վրայով Սպարտակն արշավանք սկսեց դեպի Հյուսիս՝ Ալպերի կողմը, ակներևաբար նպատակ ունենալով հեռանալ Իտալիայից: Սենատը ուղարկեց ապստամբների դեմ չորս լեգեոն՝ կոնսուլներ Գելլիոս Պոպլիկոլայի և Կոննելիոս Լենտուլոսի գլխավորութեամբ: Փոփոխական ելքով մարտերից հետո Սպարտակը մեկ առ մեկ ծանր պարտութիւնների մատնեց կոնսուլներին և, շարունակելով իր հաղթական երթը, Պադուս (Պո) գետից ոչ շատ հեռու (Մուտինայի մոտ) ջախջախեց Տրիպուլիական Գալլիայի վարչապետ Կասիոսի երկու լեգեոնը (ապստամբները դրավեցին նաև հռոմեական ճամբարը): Իտալիայից ելքի ճանապարհը բաց էր ապստամբների առջև, սակայն Պոյի ափերի մոտակայքում Սպարտակը ևս շարժվեց: Ինչպես պնդում է Պլուտարքոսը, Սպարտակն իր առջև նպատակ դրեց հարձակվել հենց Հռոմի վրա, բայց ճանապարհին փոխելով մտադրութիւնը՝ Ալպիանոսի հաղորդմամբ, հաշիվ տալով իրեն նման վիթխարի ձեռնարկման համար իր ուժերի անբավարար լինելուն, վճռեց անցկացնել իր զորքերը Սիցիլիա, և հրահրել այնտեղ ստրուկների նոր մեծ ապստամբութիւնը՝ 104-101 թթ. ստրկական պատերազմից հետո: Դեպի Իտալիայի հարավն իր այդ արշավում Սպարտակը Պիցենի գալառում վերջնականապես ջարդեց իր ճանապարհը փակել փորձած կոնսուլների միացյալ ուժերը: 72 թ. հոկտեմբերին Սենատը վարկաբեկված կոնսուլների փոխարեն հրամանատարութիւնը պատերազմում հանձնեց Մարկոս Լիկինիոս Կրասոսին:

Կրասոսը՝ կարգապահութիւն վերականգնելով բարոյաբարձր գորքերում և իր ձեռքի աակ կենտրոնացնելով 10 լեգեոն, շարժվեց Սպարտակի դեմ, որ բանակ էր դրել Ապուլիայում՝ Թուրիի քաղաքում: Սպարտակն արդեն հասցրել էր պայմանավորվել կիլիկյան ծովահենների հետ՝ նրանց նավերով Սիցիլիա տեղափոխվելու մասին: Խուսափելով Կրասոսի հետ մեծ ճակատամարտից, Սպարտակն արագ հասավ Մետինյան նեղուցը: Այսպիսով ապստամբների 90 հազ. բանակը կենտրոնացվեց Բրուտտիական թերակղզու հարավային ափին (Ռեգիում քաղաքի մոտ)՝ Սիցիլիայի դիմաց: Այստեղ ապստամբները չգտան կիլիկյան ծովահենների խոստացված նավերը, իսկ նրանց փորձը, ինքնաշեն լաստերով կտրել նեղուցը անհաջողութեամբ մատնվեց: Սիցիլիան Իտալիայից անջատող նեղուցում բուռն հոսանքը խափանեց նրանց ջանքերը, իսկ Սիցիլիայի դիմացի ափը վերահսկվում էր պրոպրետոր Գ. Վեռեսի կողմից:

Ապստամբների անհաջողությունն իսկույն ևեթ օգտագործեց Կրասոսը, որ գալիս էր նրանց հետքերով: Հռոմեական բանակը ձեռնարկեց վիթխարի պաշարողական-դաշտային աշխատանքներ: Արտասովոր կարճ ժամանակում Բրուտտիական թերակղզին իր ողջ լայնքով հարավային հատվածում կտրվեց խրամատով՝ Տիրենյան ծովից մինչև Հոնիական ծովը: Խրամատը ձգվեց՝ Հիպոնիատական (ժամ. Սանտա-Էուֆեմիայի) և Սկիլլետյան (ժամանակակից Սքուիլաչեի) ծովածոցերի միջև ընկած պարանոցով՝ (այսինքն մոտավորապես ժամանակակից Կաթանձարո՝ Սամբիագե քաղաքների գծում): Խրամատի երկարությունը կազմում էր մոտ 53 կմ, լայնությունը՝ 4,6 մ, խորությունը՝ 4,6 մ: Խրամատն ամրացվեց հողաթմբով (vallum), դրա վրա կառուցվեց ամուր և բարձր պատնեշ (Ապպիանոսի հաղորդամաք՝ ցցապատնեշ): Ստեղծվեց ամրությունների հզոր դիմ: Սպարտակի բանակը հայտնվեց թակարդում՝ փակվեց, «կողպվեց» Բրուտտիական թերակղզու հարավային հատվածում, երեք կողմից ծովով կտրված փոքր տարածքում, որի երկարությունը հարավային ափից դեպի հյուսիս՝ մինչև Կրասոսի խրամատը 120-130 կմ էր, իսկ լայնությունը 40-ից 60 կմ: Շուտով Բրուտտիումի հարավում՝ «Խտալական կոչիկի քթում» կուտակված 90 հազ. ղանդվածի վրա ծանրացավ սովի սպառնալիքը: Պուլտարքոսի հաղորդամաք՝ Սպարտակը «թերակղզուց ոչինչ չէր կարող ստանալ»: Տվյալ փաստն անուղղակի վկայում է, որ Բրուտտիումի հարավի հռոմեամետ քաղաքները (Ռեդիում, Վիբոն, Լոկրի) գրավված չեն եղել ապստամբների կողմից (դրա մասին նույնպես սվյալներ չկան), և ձեռնպահ էին մնում պարենային մատակարարումներից ապստամբ ստրուկներին<sup>1</sup>: Կրասոսի հաշվարկը՝ շրջափակմամբ սովամահ անել հակառակորդին, սկսեց իրականանալ:


Սպարտակի զորքերի հետագա վիճակի և թերակղզում տեղի ունեցած իրադարձությունների մասին տեղեկություններ է պահպանել միայն Ապպիանոսը: Նրա հաղորդումը արժանի է խորագնին ուշադրության: «Կրասոսը, — գրում է Ապպիանոսը սկսեց հետապնդել դեպի ծովը նահանջող Սպարտակին, որի նպատակն էր տեղափոխվել Սիցիլիա: Հասնելով Սպարտակի բանակին, Կրասոսը փակեց նրան, անջատելով խրամատով, հողաթմբերով և ցցապատնեշներով: Երբ Սպարտակը փորձեց դուրս գալ դեպի

<sup>1</sup> H. N i s s e n. Italische Landeskunde. Bd. 2, Berlin, 1912, S. 946; F. M u n z e r. Նշվ. աշխ., էջ 1534; J. C a r c o p i n o. Նշվ. աշխ., էջ 522; В. И. К у з и щ и н. Спартака восстание. — (карта). — Советская историческая энциклопедия, т. 13, М., 1971, с. 737-741. Թ. Մոմզենը, ելնելով խրամատի լայնության մասին Պուլտարքոսի հաղորդումից, Կրասոսի պաշարողական գիծը տեղադրում էր հյուսիսում Թուրիի (Thuri) քաղաքից սկսած, սակայն այդ տեսակետը հերքվում է հենց Պուլտարքոսի այն հաղորդմամբ, որ խրամատի հողաթմբերից հետո Սպարտակի բանակը մարտնչում էր Պետելյան սարերի մոտակայքում՝ Թուրիից բավականին հարավ: Հավանաբար, Կրասոսի խրամատը ամրությունների ուղիղ դիմ չէր, այդ դեպքում՝ Ֆ. Մյունցերի և Ժ. Կարկոպինոյի ընդունած տեղադրությունը համապատասխանում է աղբյուրների բերած թվին՝ 53 կմ: Անկասկած, Կրասոսի նպատակն էր սեղմել սպարտակյան զորքերին որքան հնարավոր է դեպի հարավ, դեպի ծովը և բացառված չէ, որ հռոմեական ամրությունների դիմն անցնում էր ավելի հարավային հատվածով, օրինակ, Պեկորարո բարձունքից դեպի հարավ ընկած դժով:

Սպարտակի զորքերի արագընթացության պատճառներից մեկը պաշարողական մեքենաներ և սարքեր չունենալն էր: Ապստամբները, մշտապես կռիվներ տալով իրենց հետապնդող լեգեոններին, ի վիճակի չէին զբաղվել քաղաքների կանոնավոր երկարատև պաշարումներով:

Մամնիտիկա (Մամնիտների երկիրը), Կրասոսը լուսաբացին Հակառակորդի զորքից կոտորեց 5000 մարդ, իսկ երեկոյան գրեթե նույնքան, մինչդեռ հռոմեական բանակից սպանվածները յոթն էին: Այդպիսին էր Կրասոսի բանակում կոտորված փոփոխությունը՝ սահմանած կարգապահությունից հետո: Այդ փոփոխությունը՝ հաղթանակին հասնելու համարձակություն և վճռականություն ներշնչեց հռոմեացիներին: Իսկ Սպարտակը, ինչ-որ տեղից (ΠΟΘΕΝ) իր մոտ ժամանող հեծյալներին սպասելով (de ΙΠΠΕΑΣ ΠΟΘΕΙՆ ΠΡΟΣΙΟΙΤΑΣ· ΑΥΤΩ) այլևս մարտի չէր դիմում իր ամբողջ զորքով, այլ շատ էր անհանգստացնում պաշարողներին տարբեր մասերում. մշտապես անսպասելիորեն հարձակվում էր նրանց վրա, փայտի կապոցներ նետում խրամատի մեջ, վառում զրանք և խիստ դժվարացնում հռոմեացիների համար պաշարումը: Ես կախեց ղերի հռոմեացուն երկու զորքերի միջև ընկած տարածքում՝ ցույց տալու համար յուրայիններին թե ինչ է նրանց սպասելու պարտությունը գեպտում:

Հռոմում իմանալով սրաչարման մասին, խայտառակություն համարեցին, որ զլազիատորների դեմ պատերազմը պիտի երկար տևի: Հասկանալով, որ Սպարտակի դեմ պատերազմը ծանր դործ է, հռոմեացիները երկրորդ հրամանատար ընտրեցին՝ Իտալիայից նոր վերադարձած Պոմպեոսին:



Սպարտակի արշավանքների ուղիները

Իմանալով այդ ընտրություն մասին, Կրասոսը, որպեսզի հաղթանակի փառքը չհասնի Պոմպեոսին, ամեն ձևով փորձեց մարտի բռնվել Սպարտակի հետ, Սպարտակն էլ իր հերթին՝ Պոմպեոսին կանխելու մտադրությամբ, Կրասոսին առաջարկեց իր հետ բանակցել: Երբ այդ առաջարկը արհամարհանքով մերժվեց, Սպարտակը վճռեց դնալ փտանդավոր փորձի, և քանի որ

Հեծյալներից բոլորը արդեն եկած էին նրա մոտ (*παρουσιων οι τωι ιππέωι ἦδη*), ճեղքեց անցավ իր ամբողջ զորքով պաշարողական գիծը և նետվեց դեպի Բրունդիզիում»<sup>4</sup> (Բրունդիզիում խոչորադույն հռոմեական նավահանգիստ Ագրիատիկ ծովի ափին՝ ծովային ճանապարհի ելքն էր դեպի Բալկաններ (Դիրրախիում ժամ. Դուրես)):

Բերված հաղորդման մեջ հետաքրքրություն են առաջացնում Սպարտակի մոտ «ինչ-որ տեղից» եկած հեծելազորի մասին տեղեկությունները: Դրանք հարցեր են հարուցում և կարոտ են պարզաբանման: Անհրաժեշտ է նշել, որ պատմագրության մեջ այդ տվյալները սովորաբար անտեսվում, բաց են թողնվում առանց որևէ մեկնաբանության: Պատմաբանները նշում են միայն իրադարձության արդյունքը՝ Սպարտակի կողմից Կրասոսի պաշարողական գծի հաղթահարումը: Հազվադեպ գեպքերում հիշատակելով նրանք արտահայտում են նրա վերաբերյալ հակասական ու անհասակ կարծիքներ:

Հեծելազորի մասին Ապպիանոսի տվյալները դեռ չեն եղել հատուկ ուսումնասիրության առարկա:

Այսպես, Ֆ. Մյունցերը, օրինակ իր հայտնի հոդվածում գրում է պաշարումից հետո Սպարտակի գործողությունների մասին. «Պատերազմը այդ տարածքներում մի քանի ամսով դադար էր առել, մեծ զորամիավորումների կողմից ճեղքման փորձերը ծանր կորուստներով ետ են մղվել, իսկ բանակցություններ վարելու առաջարկը մնացել է անուշադրության մատնված: Սպարտակը փորձում էր իր հակառակորդին մասնավորապես հնարավորին չափ շատ վնաս պատճառել, իսկ իր մարդկանց համոզիչ կերպով ներկայացնել իրենց անհույս վիճակը: Ի վերջո նրան հաջողվեց մի փոթորկալից ձմեռային դիչեր լցնել խրամատի մի մասը և անցկացնել իր բանակի մի մասը թշնամու ամրություններով»<sup>5</sup>: Ինչպես տեսնում ենք Ֆ. Մյունցերի բերված պատկերում հեծելազորը ամենևին էլ չի հիշատակված, հեծելազորի մասին Ապպիանոսի տվյալներն անտեսում է նաև Ժ. Կարկուպինոն: Չթաքցնելով իր քաղաքական կանխակալությունները, նա գրում է. «Ձմեռը վրա հասավ և սննդամթերքը սպառվում էր: Սպարտակը կործանված կլիներ, եթե չկարողանար ճեղքել: Առաջին փորձը հաջողությամբ չպսակվեց: 12 հազարը նրանցից, ովքեր փորձեցին, հողն էին կրծում: Այդ ժամանակ Սպարտակը փորձեց բանակցել, բայց այդ առաջարկը արհամարհանքով մերժվեց: Սակայն սովը դայլին հանեց անտառից, մի դիչեր, երբ ձյունն ու փոթորիկը սաստկացել էին, Սպարտակը լցնել տվեց մի կարճ տեղանքում նրան շրջասլատող խրամատը և հաղթահարեց այն առանց տագնապ բարձրացնելու...»<sup>6</sup>:

Շրջափակումից Սպարտակի դուրս գալը, առանց հեծելազորի մասին տվյալները հիշատակելու, վերարտադրում է սովետական պատմաբան Ս. Լ. Ուտչենկոն. «Մի բուռն և փոթորկալից դիչեր, լցնելով խրամատի ինչ-որ մի հատվածը հողով, գերաններով, ձիերի և սպանված հռոմեացիների դիակներով, Սպարտակը անցկացրեց խրամատի վրայով իր բանակը և

<sup>4</sup> Appianus. *Bella Civilia*, I, 119-120.

<sup>5</sup> F. Münzer. Նշվ. աշխ., էջ 1534:

<sup>6</sup> J. Carcopino. Նշվ. աշխ., էջ 522:

չարժվեց դեպի Բրունդիզիում, որի նավահանգստից ավելի դյուրին էր տեղափոխվել Բալկանյան թերակղզի»<sup>7</sup>:

Թեև Ասպլիանոսի հաղորդումից հասկանալի է, որ ստրուկների առաջնորդը՝ Կրասոսի խրամատի ճեղքման խնդրում վճռորոշ դեր էր հատկացնում հենց այդ իր մոտ եկած հեծելազորին, վերջինիս առկայությունն անտեսման, չհիշատակման օրինակները կարելի է դեռ երկար շարունակել (օրինակ, Ա. Վ. Միշուլինը՝ իր մենագրություններում<sup>8</sup>, Վ. Ս. Սերգեևը<sup>9</sup>): Հ. Գորսկովը Կրասոսի գծի ճեղքման առթիվ նշում է, որ «Սպարտակն ուներ ընդհանուր նշանակալից հեծելազոր»<sup>10</sup>, բայց հաշվի չի առնում Ասպլիանոսի ցուցումը, որ այն եկավ թերակղզում շրջափակված Սպարտակի մոտ և բնավ չի դնում նրա ռոտեղից գալու հարցը. Պ. Ս. Կառիչկովսկին բավարարվում է ոչինչ չսպարդաբանող արտահայտություններով, թե «թերակղզու ամբողջ հարավային ծայրից նրա մոտ գալիս էին հեծյալները»<sup>11</sup>: Նա անտեսում է հեծյալների մասին Ասպլիանոսի ցուցումները: Վ. Լեսկովն իր վերականգնված և հորինվածքներով լեցուն գրքում, գրում է. «Գիշերը թշնամու ամբողջությունների դժի այն կողմը ուղևորվում էին Սպարտակի սուբհանդակները: Նրանք տանում էին առաջնորդի հրամանը պարտիզանական հեծյալ ջոկատներին՝ ճեղքել-անցնել նրա հետ միավորվելու համար»<sup>12</sup>: Հեղինակի այդ պնդումները բացարձակորեն անվավերական են ու քմահաճ: Հակառակ թե՛ Ասպլիանոսի և Պլուտարքոսի տվյալներին և թե՛ հասարակ տրամաբանությունը, հեղինակը պատկերացնում է աներևակայելին՝ հեծյալների Սպարտակին օգնության գալը հռոմեական բանակի դիրքի կողմից, ապստամբների համար անանցանելի և հռոմեացիների կողմից վերահսկվող պարսպի և խրամատի վրայով: Եվ վերջապես բերենք Հ. Հյոֆլինգի հարցը «իսկող» եղրակացությունները. «Ասպլիանոսի մոտ էլ խոսք է գնում հեծելազորի մասին, որի գալուստին, իբր թե, սպասում էր Սպարտակը ճեղքումից առաջ: Բայց այդ բանին հավատալ անկարելի է, քանի որ ռոտեղից այն պիտի հայտնվեր»<sup>13</sup>: Հ. Հյոֆլինգը եղրահանգում է. «անտիկ աղբյուրները հուսալի չեն դրադիատորների ապստամբությունից մասին տեղեկությունները հաղորդելիս»<sup>14</sup>:

Գերմանացի հեղինակն իրավացի է միայն մի բանում՝ իր տված հարցում: Իսկապես ռոտեղից հեծելազորը պիտի հայտնվեր Բրունդիզիական թերակղզու հարավային մասում՝ փոքր, լեռնային տարածքում՝ երիզված առափնյա նեղ հովիտներով: Սակայն աղբյուրում պահանջանքով փաստը

<sup>7</sup> С. А. У т ч е н к о. Древний Рим. События. Люди. Идеи. М., 1969, с. 59.

<sup>8</sup> А. В. М и ш у л и н. Спартак. М., 1947, с. 67, 70-71, 86.

<sup>9</sup> В. С. С е р г е е в. Очерки по истории Древнего Рима. Ч. 1, М., 1938, с. 271.

<sup>10</sup> В. Г о р с к о в. Военное искусство Спартака. — "Военно-исторический журнал", 1972, № 8, с. 82-87.

<sup>11</sup> П. О. К а р ы ш к о в с к и й. Восстание Спартака. М., 1958, с. 51.

<sup>12</sup> В. А. Л е с к о в. Спартак. М., 1983, с. 303.

<sup>13</sup> Г. Х ё ф л и н г. Римляне, рабы, гладиаторы. Спартак у ворот Рима. М., 1992, с. 235; H e l m u t H ö f l i n g. Romer, Sklavern, Gladiatoren. Spartacus vor den Toren Roms. Gernsbach, 1987.

<sup>14</sup> Նույն տեղում:

չհասկանալը դեռ հիմք չէ աղբյուրի հավաստիությունը կասկածի տակ գնելու համար:

Անդրադառնալով Ապպիանոսի հաղորդմանը, անհրաժեշտ է ուշադրություն դարձնել հետևյալ հանգամանքների վրա.

ա) Չնայած Սպարտակի զորքերի ճգնաժամային դարձող վիճակին (սովի սպառնալիք, Պոմպեոսի բանակի մոտալուտ գալուստ) և հետևաբար շրջափակումից դուրս գալու անհրաժեշտության, հեծելազորը գալիս է Սպարտակի մոտ ոչ ամբողջապես, այլ աստիճանաբար, ոչ մեծ քանակություներով: (Նա արդեն հասավ անհրաժեշտ քանակի, երբ Պոմպեոսը կատարեց իր երթը Իսպանիայից Իտալիա և ընտրվեց երկրորդ հրամանատար):

Ակնհայտ է հեծելազորի դանդաղ կուտակվելու փաստը, որն ինքնին արտասովոր է, հաշվի առնելով, որ նրա շարժումը պիտի կատարվեր խիստ սահմանափակ տարածության վրա՝ ամենաշատը 120-130 կմ երկարություն ունեցող հատվածում: Այդ առթիվ հետաքրքրական է նկատի ունենալ մարտական կամ վազբային նժույգի արագընթացության փաստերը: Նեսեական ձիերի ժամանակակից հետնորդը՝ աքալթեքիյան ցեղի նժույգը Կարակումի անջրդի և ավազային՝ 360 կմ տարածությունը հանգիստ երթով անցավ 3 օրում<sup>15</sup>: Հետևաբար, Բրուտտիումի հարավային ծովափից մինչև Կրասոսի խրամատն ընկած 120-130 կմ հեռավորությունը մարտական նժույգը հանգիստ քայլերով պիտի կտրեր 1 օրում, արագացված ընթացքի դեպքում՝ անշուշտ կրկնակի փոքր ժամանակահատվածում:

Հակառակ այդ իրողություններին՝ հեծելազորը համակենտրոնանում է Սպարտակի բանակատեղում առնվազն մեկ ամիս ժամանակում: Հեծելազորի այդ դանդաղկոտությունը բացատրություն է սլահանջում: Ապպիանոսի վկայությամբ հեծյալները գալիս են «ինչ-որ» տեղից:

բ) Ապպիանոսը նշում է, որ Սպարտակը «սպասում էր» հեծյալներին, այսինքն՝ չնայած այդ հեծելազորի կարիքին, Սպարտակն ի վիճակի չէր այն անմիջապես կենտրոնացնել իր ձեռքում, թեպետե այդ պահին՝ բացառությամբ Հռոմի կողմը բռնած հարավբրուտտիական քաղաքների, ապստամբները լիովին վերահսկում էին թերակղզու մնացյալ գյուղական տարածքը: Պատահական չէ, որ հեծյալները դալիս են «ինչ-որ տեղից» մի վայրից, որն ինչպես երևում է, ենթակա չէր Սպարտակին: Այսինքն, եկած հեծյալները նրա գործի հեծելազորից չէին:

գ) Խիստ կարևոր է այն փաստը, որ Ապպիանոսին և նրա հռոմեական աղբյուրին (միգուցե հենց Սալլյուստիոսին և վերջինիս հռոմեացի տեղեկատուներին) անհայտ է մնացել այդ հեծյալների գտնվելու նախնական տեղը՝ նրանց ելքի վայրը, որը, նշենք նաև, ենթակա չէր Սպարտակի իշխանությանը: Այդ վայրի մասին Ապպիանոսը ոչինչ չգիտի: Նա ասում է եկան «ինչ-որ տեղից» (ποθεν): Այդ տարօրինակ անգիտությունը բացառ-

<sup>15</sup> Жизнь животных, т. V, М., 1941, с. 682. Համաձայն թ. Մոմզենի (նշվ. աշխ., էջ 314) Հռոմից՝ Ռավեննա անցնելու համար սուրհանդակին պահանջվում էր 3 օրից ոչ պակաս: Պարթևական (նեսեական) նժույգների կայտառության և տոկունության մասին հետաքրքրական փաստ է պահպանել Տակիտոսը (T a c i t u s. Annales, XI, 8): 39 թ. Պարթև Արշակունի Վարդանը Գոտարձի դեմ պայքարում երկու օրում սլացքով անցավ 3000 ստադիոն՝ 530 կմ:

րուիյունն է պահանջում, մանավանդ, եթե դարձյալ նկատի ունենաք, որ չիմացությունը վերաբերում է ոչ մեծ սահմանափակված տարածքի՝ հոռմեացիներին և տեղացի բնակիչներին քաջածանոթ վայրի: Դեռ ավելին, ընդդեմնք և այն հանդամանքը, որ Ապպիանոսը խոսում է ոչ թե մեկ անգամ կատարված գործողության մասին, որի ելակետը ինչ-ինչ պատճառներով կարող էր անհայտ մնալ, այլ նշում է քանիցս կրկնվող, շարունակվող հեծելաբերներ և այնուամենայնիվ, այդ դեպքում էլ այդ այրուձիու ծագման վայրը (թերակղզու սահմանափակ տարածքում) անհայտ է մնացել տեղացի հոռմեամետ բնակչությանը, որը պիտի լիներ հոռմեական կողմի առաջին տեղեկատու (Ռեգիում, Վիբոն, Լոկրի քաղաքների բնակիչներ):

Հարկավոր է անվերապահորեն բացառել Բրուտտիումի հարավային քաղաքների կողմից ապստամբ ստրուկներին հեծելազոր տրամադրելու հնարավորությունն իսկ: Քաղաքները՝ հոռմեական իրավունքի տեր քաղաքացիական համայնքներն առհասարակ թշնամաբար էին տրամադրված ապստամբների նկատմամբ (Ապպիանոսի վկայությամբ ոչ մի քաղաք (կամովին) չէր անցել Սպարտակի կողմը): Իրենց դիրքով, ինչպես վերը նշվել է, Բրուտտիումի քաղաքները նպաստեցին սովի սպառնալիքի սաստկացմանը սպարաակյան բանակում, փաստորեն, մասնակցում էին ներսից նրա շրջափակմանը: Ըստ երևույթին, ապստամբ ստրուկների և քաղաքային բնակիչների միջև նույնիսկ առևտրական հարաբերություններ չեն հաստատվել, այդ է վկայում Սպարտակի բանակում նավակների և սլարանների խիստ սրկասը: Նեղուցը կտրելու փորձի ժամանակ լաստերի դերանները կապվում էին միմյանց խաղողի վաղերով և կաշվե մտրակներով (Sallust. Frg. IV, II, 30): Ինչպես երևում է, Սպարտակը կտրել է տվել քաղաքացիներին պատկանող խաղողի այգիները):

Այդ փաստերի լույսի ներքո անկարելի է ենթադրել, որ հեծյալները ծագումով եղել են տեղական քաղաքների բնակիչներ (այդ տեսակի «բացատրությունը», իր հերթին, կպահանջեր բացատրել ունևոր քաղաքացիների (ձիավորների) կողմից ստրուկների կողմում Հոռմի դեմ պատերազմելու շարժառիթները): Անհնարին է և անհիմն ենթադրել, անգամ, թե հեծելազորը կաղմակերպվել է և վարժեցվել թերակղզում մոտ ամիս ու կես՝ երկու ամիս գտնվելու ժամանակահատվածում, համալրվելով տեղական ինչ-որ ստրուկներով (կամ սպարտակյան զինվորներով):

Բարդ մարտական խնդիրների ունակ հեծելազորի՝ նժույգի և հեծելամարտիկի վարժեցումը բավականին երկար ժամանակ էր պահանջում: Ուշագրավ է, որ Ապպիանոսը նշում է Սպարտակի նոր մարտավարությունը հեծյալների արդեն ինչ-որ քանակի ժամանումից հետո. «Այլևս մարտի չէր գիմում իր ամբողջ զորքով, այլ շատ էր անհանգստացնում պաշարողներին տարբեր մասերում (ἀνα μέρος): Մշտապես անսպասելիորեն հարձակվում նրանց վրա, նետում փայտի կապոցներ խրամատի մեջ, վառում դրանք և խիստ դժվարացնում հոռմեացիների համար սաշարումը»: Այդ գործողությունների նպատակը հասկանալի է. վառվող կապոցներից բարձրացող բոցը, ծուխը, պիտի ծանր դարձնեին պատենչի այն կողմում՝ հողաթմբի վրա դիրքավորված լեգեոներների կացությունը: Նկատենք նաև, որ այդ կարելի է անել միայն եթե 4,6 մ խորություն ունեցող խրամատի



Հատակից կրակն ու ծուխը բարձրանային մինչև հողաթմբի վրա գրված պարսպի վերևը՝ Հռոմեացիների տեղակայման գիծը՝ այսինքն բոցի բարձրությունը, պիտի լիներ մոտավորապես 10 մ ոչ պակաս, այդ գեպքում, հարկավ, ինչպես ասում է Ապպիանոսը, պաշարումը խիստ զժվարանում էր: Ակնհայտորեն նետվում էին մեծ կապոցներ և դժվար հանգցվելի: Ապպիանոսի նկարագրած մարտաեղանակը, իրականացվում էր հաճախաբար և անսպասելի, այսինքն կատարողները եղել են արագընթաց: Հետևակայինները անկարող էին հաջողությամբ կապոցներով մոտ վաղել խրամատին և նույնքան հաջողությամբ հեռանալ: (Հռոմեացի լեգեոնները տեղ էր նետում 25 մ հեռավորության վրա, հռոմեացի պարսատիկավորները աչքի էին ընկնում իրենց դիպուկություններով): Ամենայն հավանականությունը Ապպիանոսը նկարագրում է նորեկ հեծելազորի հմուտ և վարժ գործողությունները: Խստիվ հետևելով Ապպիանոսի խոսքերին, կարող ենք նկատել գործողությունների հաջողականությունը: Նախ, խրամատի խորքը գցվում էր կապոցը, իսկ հետո՝ այն վառվում: Եթե այդ այդպես էր, ապա բոցավառել խրամատի հատակում, Հռոմեական հողաթմբի ստորոտում ընկած տրցակը կարելի էր միայն դիստանցիոն կրակավառություններով նետահարություններով: Կարելի է ենթադրել, որ հեծյալը պիտի զինված լիներ նետ ու աղեղով:

Սպարտակի մոտ եկած հեծելազորի սլոոֆեսիոնալ գործողություններն արդեն իսկ բացառում են նրա ձևավորվելը տեղում՝ թերակղզում: Առավել ևս, հեծելազորին տեղական ծագում վերագրելու ամեն մի փորձը ինքնին կմերժվի մեր աղբյուրի՝ հեծելազորի ծագման վայրի վերաբերյալ չիմացություններով<sup>16</sup>:

Այսպիսով, մենք հիմք ունենք հաստատապես ձևակերպելու հետյակա եզրակացությունը. թերակղզու հարավի սահմանափակ տարածքում հեծելազորի գտնվելու նախնական վայրի կատարյալ չիմացությունը աղբյուրի

<sup>16</sup> Այդ առթիվ հարկ է նշել, որ Ա. Ա. Մոստուրև սխալմամբ հակված է կարծելու, որ հեծելազորը կազմավորված է եղել տեղացի հովիվ-սարուկներից (A. A. Mostovskiy, «Spartacus. Paris, 1959 (рец.) — "Вестник древней истории" (այսուհետև — ВДИ), 1966, № 4, с. 188): Այդ կարծիքը անտեսում է Ապպիանոսի ավյալները. ա) թերակղզու խիստ սահմանափակ տարածությունում հեծելազորի աստիճանական, դանդաղ կենտրոնանալը, բ) այդ հեծելազորի Սպարտակի հարկադրված սպասումը: Պատրաստել մարտունակ հեծելազոր անկարելի է կարճատև ժամանակում: Տվյալ հարցում Ա. Ա. Մոստուրև նաև հենվում է Ապպիանոսի հաղորդման ոչ ճիշտ ընթացիկության վրա. Սպարտակը սպասում էր իրրև, թե «ամեն տեղից իր մոտ ժամանող հեծյալներին» [«всадников, отовсюду прибывавших к нему» — նույն տեղում: Ըստ Ա. Դ. Վեյսմանի ποθεν - "откуда-нибудь" (А. Д. Вейсман. Греческо-русский словарь. СПб., 1899 (М., 1991), с. 1016]. Ըստ Ի. Խ. Դյուրեցկու ποθεν - "откуда-либо" (И. Х. Дурецкий. Древнегреческо-русский словарь. Т. 2, М., 1958, с. 1334). Հ. Ուայթի թարգմանությամբ ποθεν - "from somewhere" (A. P. White. Roman History. The Civil Wars. B. I, V. 4, 1955, p. 221): Հեծելազորը չէր կարող կազմավորվել հովիվ-սարուկներից նաև անասնապահությանը բնորոշ առանձնահատկությունների պատճառով: Տարբեր ժամանակաշրջաններում, տարբեր հասարակություններում ձիերի երամակի արածեցումը չէր պահանջում մեծաքանակ աշխատուժ: 300 ձիերից երամակը պահվում էր ընդամենը երկու հեծյալ հովիվների կողմից (տե՛ս А. М. Хазанов. Роль рабства в процессах классовообразования у кочевников евразийских степей. — Становление классов и государства. М., 1976, с. 267—268):

(և իր հռոմեական տեղեկատուներին) կողմից անվերապահորեն վկայում է այդ վայրի թերակղզուց դուրս գտնվելու օգտին:

Բրուտտիումի հարավում Սպարտակի բանակատեղը եկած հեծելազորի մասին Ապպիանոսի տվյալների քննությունը հանգեցնում է մի շարք հարցերի, որոնց անկարելի է բացատրություն տալ, ելնելով տեղի՝ Բրուտտիական թերակղզու հարավային սահմանագատված հատվածին բնորոշ իրողություններից (աշխարհագրական, քաղաքական): Հետեաբար, մենք հիմք ենք ստանում կարծելու, որ Բրուտտիական թերակղզու հարավային հատվածում շրջափակված սպարտակյան զորքերին օգնության եկած հեծելազորը ուներ ոչ տեղական, ոչ իտալական ծագում, այսինքն Բրուտտիում եկել էր դրսից և կարող էր, ուրեմն հասցվել միայն ծովով, նավատորմով: Հեծյալների գտնվելու նախնական վայրը ծովից այն կողմն էր՝ և այդ իսկ պատճառով հայտնի չզարձավ հռոմեացիներին: Ինչպես հայտնի է, ծովը ոչ միայն անջատում էր երկրները, այլև ծառայում էր որպես նրանց միջև հաղորդակցման անխոչընդոտ միջոց: 70-ական թվականների վերջերին Միջերկրական ծովը ամենևին ենթակա չէր հռոմեացիների վերահսկմանը և ծովային ուղիները նրանց տեսադաշտից դուրս էին: Ծովի վրա անսահմանափակ իշխում էին կիլիկյան և կրետոսյան ծովահեծելները:

Մի վ կարող էր Սպարտակին օգնություն ուղարկել, շահագրգռված լինել նրա զորքերի փրկությունը: Մի վ էր Հռոմի այդ հզոր թշնամին:

Ապպիանոսի հաղորդման մեջ կա մի հետաքրքրական գուգադիպուկություն: Եթե Սպարտակն իր շրջափակվելու նախնական փուլում նպատակ ուներ Կրասոսի ամրությունները հաղթահարելուց հետո արշավել Կենտրոնական Իտալիա՝ Սամնիում, դեռևս 81 թ. Սուլլայի ռեժիմին կատաղի դիմադրության պատվարը, ապա հեծելազորի հայտնվելուց հետո նրա ռազմական ծրագիրը փոխվում է: Այժմ ապստամբների առաջնորդը վճռում է շարժվել դեպի Բրուներդիում՝ այնտեղից Հունաստան փոխադրվելու նպատակով:

Հունաստանում 90 հազար հսկահռոմեական զինուժի ի հայտ գալը կարող էր ոչ միայն «պայթեցնել» Մարկոս Լուկուլլոսի արյունալից գործողություններով հենց նոր «խաղաղված» Թրակիան (72 թ.), այլև, սպառնալիք ստեղծել Լուկիոս Լիկինիոս Լուկուլլոսի թիկունքում՝ Միհրդատի դեմ պատերազմում: Կասկածից վեր է, որ Սպարտակի ապաշրջափակվելը և Հունաստան փոխադրվելը ձեռնտու պիտի լիներ Պոնտոսի թագավորին, որը 73 թ. ձմռանը և 72 թ. գարնանը ծանրադուլն պարտություն էր կրել Լ. Լ. Լուկուլլոսից Մարմարա ծովի ափին՝ Կիզիկոսի մոտ: 73–72 թթ. Միհրդատի նավատորմի մեծ մասը Մարմարա ծովից ետ նավարկեց դեպի Բյուլթանիա, ճանապարհին վիթխարի կորուստներ տալով մոլեգնած փոթորիկներում (նույնիսկ ջրասուլյգ եղավ արքային տանող նավը): 72 թ. դարնանը հռոմեական էսկադրաները Լ. Լ. Լուկուլլոսի պլխավորությունը Լեմնոսի և Տենեդոսի մոտ պլխովին ջախջախեցին էգեյան ծովում մնացած պոնտական նավատորմը: Ըստ Մեմնոնի՝ 73 թ. պոնտական նավերի ինչ-որ քանակին հաջողվեց էգեյան ծովից հասնել մինչև Իսպանիա և Կրետե՝ (ծովահեծելության խոչորադուլն օջախ Լեոնային Կիլիկիայի հետ մեկտեղ): Սակայն 72 թ. Պոնտոս վերադարձին այդ նավերը ոչնչացվեցին: Հռոմեացի-

ները գրավեցին Բյութանիայի խոշորագույն քաղաքները՝ Պրուսիագան, Նիկեան, իսկ 72 թ. երկրորդ կեսին Լ. Լ. Լուկուլլոսը իր ցամաքային ուժերով կանգնած էր արգեն Պոնտոսում, պաշարելով Ամիսոսը, Եվպատորիան և Թեմիսկյուրան: Միհրգատը՝ Պոնտոսի կաթեյրական երկրամասում ավարտին էր հասցնում իր նոր ռազմաօդային կազմավորումը՝ 40 հազ. հետևակ և ընգամենը 4 հազ. հեծյալ: Լուկուլլոսը ձեռնարկեց լայնածավալ ներխուժում Պոնտական թագավորության խորքը 71 թ. գարնանը՝ Սպարտակի կործանվելուց փոքր-ինչ հետո (71 թ. մարտին) կամ դրա հետ միաժամանակ: 71 թ. ամռան վերջերին Միհրգատը լիովին ջախջախվելով, ապաստան գտավ Հայաստանում: Ակնհայտ է, որ Բրուտոսիական թերակղզու հարավում Սպարտակի շրջափակման պահին (72 թ. գեկտեմբերից 71 թ. փետրվար) Միհրգատն արգեն կորցրել էր իր ծովային ուժերի մեծ մասը, նրա նավատորմի մնացորդները տեղեկայված էին Սև ծովի խոր արևելքում և ելքի հնարավորություն չունեին դեպի էգեյան ծով: Չունենալով Միհրգատը քանակապես բավարար հեծելագոր, չունենալով նաև ելք ցամաքի վրայով դեպի Արևելյան Միջերկրածովքի ափերը: Հոռոմեացիները կանգնած էին Լյուկոսի (Գալլ գետի) ափին, իսկ նրանց թիկունքին՝ Կապադովկիան և Գալաթիան վերահսկվում էին հոռոմեական դաշնակիցների ուժերի կողմից (Դեյոթարոսի դալաթական մեծաթիվ հեծելազորը): (Այդ տարածքների վրայով Պոնտական հեծելագորայինների երթը դեպի Լեոնային Կիլիկիան ինքնին երևակայելի չէ անգամ):

Այսպիսով, հարկ է բացառել Միհրգատի կողմից Սպարտակին ռազմական օգնություն ուղարկելու պես ռազմական միջոցառման հնարավորությունն իսկ:

Հետևաբար մենք պիտի ենթադրենք, որ Սպարտակին օգնություն կարող էր ուղարկել Հռոմի մեկ այլ հակառակորդ՝ Տիգրան Մեծը: 93 թ-ից ի վեր հայ-հոռոմեական հարաբերությունները իրենցից ներկայացնում էին պատերազմական իրավիճակ: 93-83 թթ. Տիգրան Սեծի վճռական քաղաքականությունը՝ Հռոմի ազդեցությունը Արևելքում, Կապադովկիայում, Սիրիայում և Կիլիկիայում վերացնելու նպատակով Հռոմում գնահատվեց որպես իր դեմ պատերազմի սանձազերծում: Արտահայտելով Հռոմի սենատի դիրքորոշումը հայոց թագավորի արտաքին քաղաքականության նկատմամբ, Մ. Տ. Կիկերոնը գրում է. «... նա (Տիգրանը) անօրենություններ գործելով մեր դաշնակիցների հանդեպ, կարելի է ասել, պատերազմ էր սանձազերծել մեր դեմ»<sup>17</sup>: Տիգրանի տերություն կազմի մեջ մտած Սիրիան դիտվում էր որպես բռնազավթված Սելևկյան թագավորություն: 74-72 թթ. սենատը Սիրիայի թագավոր ճանաչեց Հռոմ եկած Անտիոքոս XIII-ին: Միաժամանակ սենատը նրան շնորհեց Հռոմի բարեկամի և դաշնակցի (*amicus et socius*) կարգավիճակ: Այդպիսին էր Հռոմի պաշտոնական արձագանքը՝ Սիրիայում 83 թ. Տիգրանի գահակալմանը: 72 թ. Անտիոքոս XII-ը որպես Սիրիայի ճանաչված թագավոր, Հռոմի բարեկամ և դաշնակից մեկնեց Հռոմից և ափ իջավ հարավային Սիրիայում՝ գլխավորելով Տիգրանի տիրապետության դեմ ռազմական ելույթը: Քաղաքականապես աջակցելով հակաթիգրանյան այդ ելույթը, Հռոմը պատերազմական վիճակ

<sup>17</sup> Cicero. Pro P. Sestio or., 27, 58.

ստեղծող քայլ էր գործում՝ իր և Տիգրանի միջև, փաստորեն սլաաերազմ էր սկսում հայոց արքայի դեմ, վարելով այն դեռ Սելևկյանների ձեռքով:

Կիլիկիոնի հաղորդմամբ Անտիոքոս XIII-ը նավարկելով դեպի Սիրիա՝ Տիրիանի դեմ պատերազմը ղլխավորելու նպատակով, կանգ առավ Սիցիլիայում, Սիրակուզեում: Այդ առթիվ Կիլիկոնը հաղորդում է. Սիցիլիայի վարչապետ պրոպոետոր Գ. Վեռեսին հայտնի դարձավ, որ Սիրիայից, Սիցիլիա մեկնարկած ծովահենները նպատակ ունեն հարձակվել Անտիոքոսի վրա<sup>18</sup>: Կիլիկոնի այդ հաղորդումը խիստ հետաքրքրական է: Պարզվում է, որ կիլիկյան ծովահենները Սիցիլիայի ափերի մոտ գործում էին ի շահ հայոց թագավորի: Ուշագրավ է, որ այդ հանձնարարությունները նրանք դուրս են եկել Սիրիայից՝ Տիգրանի թագավորությունից: Կիլիկյան ծովահենների և Տիրիանի Մեծի փոխհարաբերությունների հարցի վերաբերյալ արժեքավոր է Ստրաբոնի հաղորդումը նրանց միջև կայացած համաձայնության մասին: Ըստ Ստրաբոնի իր իշխանությունը ենթարկելով Սիրիան, հայոց թագավորը (տեքստում՝ հայերը) «ծովը հանձնեց կիլիկիցիներին»<sup>19</sup>: Այդ առթիվ կարևոր է նշել, որ Սիրիայում Տիրիանի գահակալելու պահին կիլիկյան ծովահենների՝ Արևելյան Միջերկրածովքի ջրերում, մանավանդ կիլիկյան-սիրիական անկյունում տիրապետությունն արդեն կայացած փաստ էր: Եվ այնուամենայնիվ, ուշագրավ է, որ տեղի ունեցավ ծովահենների կողմից Տիգրանին ճանաչելու փաստը որպես «ծովի» իրենց ջրատարածքի տիրակալի՝ այսինքն գերագույն իշխանություն՝ սուվերենության կրողի, որն այնուհետև «ծովի շնորհումով» օրինականացնում էր (լեգալիզացնում) նրանց դրությունը՝ տիրապետությունը Միջերկրական ծովի արևելքում:

Տվյալ համաձայնությունները անշուշտ վերջ դրվեց կիլիկյան ծովահենների հարձակումներին, Տիգրանին հպատակ Սիրիայի և Դաշտային Կիլիկիայի առափնյա շրջանների վրա: Կասկածից վեր է, որ այդ համաձայնությունն իրագործելի էր Տիգրանի ռազմական կարողությունների շնորհիվ: 83 թ. հաստատվելով Դաշտային Կիլիկիայում Տիգրանը դարձավ ծովահենների ռազմակայանների անմիջական հարևանը Լեոնային Կիլիկիայում և կարող էր նրանց սպառնալ ցամաքից: Այսպիսով, Տիգրանի արևելամիջերկրածովյան տերությունը ստեղծմամբ կիլիկյան ծովահեններին այլևս մատչելի չէին մերձավոր տարածքները՝ Սիրիան, Կիլիկիան: Այդ հոսքամանքը նրանց հարկադրեց տեղափոխել իրենց ռազմական ակտիվությունը դեպի Արևմտյան Միջերկրածովք՝ Հոմոնի ենթակա ջրեր, անմիջապես հարվածելով Հոմոնի շահերին: 70-ական թվականների սկզբից, կիլիկյան ծովահեններն արագ վերակազմավորվում են որպես հզոր ռազմաքաղաքական միավորում, և հակահռոմեական ուժ: Հեռավոր և երկրատե արշավանքներ (դեպի Սիցիլիայի, Իտալիայի, Իսպանիայի ափերը) կատարելու համար ծովահենները զարկ տվեցին մեծ ռազմանավերի՝ բիրեմաների և տրիբրաների շինարարությանը: Ակնհայտ է, որ տիգրանյան տերության ձևավորվելը անմիջական խթան ծառայեց ծովահենային շարժման վերելքին և ուղղվածությունը փոխվելուն դեպի արևմուտք, ընդդեմ Հոմոնի: Կիլիկյան ծովա-

<sup>18</sup> Cic. Verr. IV.29: ex eius regno piratas in Siciliam esse venturos.

<sup>19</sup> S t r a b o, XIV, 5, 2.

հենները փաստորեն ինքնուրույնաբար չհայտարարված պատերազմ էին մղում Հռոմի դեմ: Տիգրանի հետ դաշինքի հետևանքով, նրանք, ինչպես ցույց է տալիս Անտիոքոսին Սիցիլիայի մոտ բռնելու նրանց փորձը, կարող էին կոնկրետ դեպքերում գործել ի շահ հայոց թագավորի:

72 – 71 թթ. Տիգրանը՝ Սելևկյանների ու նրանց դաշնակիցների՝ Նարաթևյանների և Հուգայի ելույթի նաև Հայաստանում՝ Զարեհի ապստամբության պատճառով հնարավորություն չունենալով կանգնեցնել հռոմեական առաջխաղացումը Պոնտոսում<sup>20</sup>: Հայոց արքայի շահերից էր Սպարտակի զորքերի փոխադրելը՝ Հունաստան՝ Արևելք, դրանով իսկ ինքնին կլուծվեր նրա առաջ ծառայած խնդիրը՝ ամենայն հավանականությամբ կարող էր հետաձգվել Հռոմի դեմ պատերազմը, որին 72-70 թթ. Տիգրանը պատրաստ էր:

Տիգրանը հնարավորություն ուներ նման բնույթի մարտական օպերացիան իրականացնելու համար, նրա տրամադրության տակ էր կլիկյան նավատորմը, որն ի վիճակի էր հասցնել ինչ-որ սահմանափակ քանակությամբ հայկական հեծյալ կոնտինգենտ Խտալիա՝ Բյուտտոլում՝ Սպարտակին օգնության: Հեծելազորը նավատորմով ծովային մեծ տարածությունների վրա տեղափոխելու պրակտիկան գործադրվում էր սկսած երկրորդ Պունիկյան պատերազմից (Պուբլիոս Կոռնելիոս Սկիպիոնի բանակի կազմում 1600 հեծյալ ափ իջավ Աֆրիկայում 204 թ.: Նումիդիայի արքա Մասինիսայի կողմից նավատորմով՝ Մակեդոնիա 1 հազ. հեծելազոր առաքվեց 197 թ.)<sup>21</sup>: Հռոմեահեղինիստական տրիբրան ժամում անցնում էր 5-7 կմ, դրա բռնունակությունը 13-18 տոննա էր: 24 ժամում նա կարող էր անցնել առնվազն 120 կմ: Այսինքն Սիրիան Խտալիայից անջատող ծովային տարածության 1800 կմ-ը նա ի վիճակի էր հաղթահարելու 15-16 օրում<sup>22</sup>: Եթե 72-71 թթ. իր մարտական հզորությունը գրեթե ամբողջապես կորցրած Պոնտոսի թագավորության փրկելու համար Տիգրանից պահանջվում էր պատերազմի մեջ մանել իր ողջ զինյալ ուժով (որ կաշկանդված էր Հարավային Սիրիայում և Փյունիկիայում և հենց իսկ Հայաստանում), ապա Բյուտտաիական թերակղզու հարավում զուտ տակտիկական բնույթի խնդրի լուծումը՝ պաշարողական գծի ճեղքումն ու դեռևս պարտություն չճանաչած բանակի ազատումը, պահանջում էր սահմանափակ քանակությամբ հեծելաջոկատի մասնակցությունը:

Ըստ Ապոլիանոսի, Սպարտակն իր մոտ եկած հեծելազորին վճարող ղեկ էր հատկացնում իր զորքերի ասպազրջավազման խնդրում և, ինչպես բխում է սղբյուրի վկայությունից, հեծելազորը հաջողությամբ արդարաց-

<sup>20</sup> Տե՛ս Ռ. Լ. Մանասերյան. Տիգրան Մեծ. Հայաստանի պայքարը Հռոմի և Պարթևստանի դեմ 94-64 թթ. մ.թ.ա., Երևան, 1987, էջ 105-114, Բ. Ա. М а н а с е р я н. Процесс образования державы Тиграна II. – ВДМ, 1982, № 2, с. 125-128.

<sup>21</sup> Tit. Liv., L. XXXI, 19, (4).

<sup>22</sup> Մենք վերցնում ենք նավերի արագընթացության վերաբերյալ ամենացածր տվյալները: Հայանի են և այլ տվյալներ. մ.թ.ա. 405 թ. Էգոս-Պոսամոսից (Դարդանեղում) սպարտական նավը մինչև Սպարտա եղած 600 կմ-ը անցավ երկու օրում (В. Д. Б л а в а т - с к и й. Природа и античное общество. М., 1976, с. 48): Մ.թ. առաջին դարից մեռնատար նավերը Ալեքսանդրիայից Սիրահուզի հասնում էին 6 օրում, օրական անցնելով 240 կմ (Д ж. Л у ц а т т о. Экономическая история Италии. М., 1954, с. 86):

րեց այդ սպասելիքները (Կրասոսի ամրությունների գրոհը սկսվեց հեծելազորի բավականին համակենտրոնանալուց հետո):

Սակայն ի՞նչու՞մ պիտի կոնկրետ կայանար հեծելազորի դերը հռոմեական սլաշարողական գծի հազթահարման մեջ: Չէ՞ որ անհրաժեշտ էր քարերով, փայտով, մարդկանց և ձիերի գիակներով լցնել խոր խրամատը, մայրցույց թևք՝ առնվազն 2 մ բարձրությամբ հսկաթմբի վրա և (այստեղ կանգնելով) կործանել, տապալել հաստ և խոր ամրացված դերաններից պատնեշը, բացվածք բանալով 90 հազ. բանակի զորասյունների առջև: Այդ գործողությունը անհնար էր կատարել ձի հեծած: Այդ գործողությունը կարող էին անել միայն հետևակայինները:

Թե ինչ կարևոր գեր այդ պահին պիտի ստանձնեն հեծելազորը, կարելի է հասկանալ, եթե նկատի ունենանք հայկական հեծելազորի մարտական օւսլերացիան, որը նա 69 թ. ամռանը հաջողությամբ իրականացրեց հռոմեացիների կողմից պաշարված Տիգրանակերտում, արքունիքի, կանանոցի և արքայական գանձարանի էվակուացումով:

Ըստ Մեմֆոնի տվյալների, հայկական հեծելազորը ղրպուկ և անդադար նևտահարություններ ամբողջ գիշեր թույլ չէր տալիս հռոմեացիներին դուրս գալ իրենց դաշտային ճամբարներից և դրոհել: Հակառակորդի աչքի առաջ նա դուրս բերեց պաշարված քաղաքից արքունիքն ու գանձարանը՝ գանդաղաշարժ և երկարաձգված թափորը, որը բարեհաջող հասցրեց Տիգրանի բանակատեղը: Տիգրանակերտի մոտ հայկական հեծելազորի այդ մարտավարության օրինակով կարելի է պատկերացում կազմել հեծելազորի անհրաժեշտ գործելակերպի մասին Բրուտտիական թերակղզում: Հարկ է ենթադրել, որ հեծելազորը նպատակ ուներ զսպելու և հեռավորության վրա պահելու հռոմեական բանակը: Պատանջի տապալումից հետո առաջխաղացած հեծելազորը ապահովեց զորասյունների անցումը խրամատի վրայով և հետագա շարժումը: Այդ բնույթի խնդիրն ի վիճակի էին իրագործել միայն արևելյան հեծյալ նևտաձիւղները:

Այստեղ, ի դեպ, ընդգծենք այն կարևոր փաստը, որն իր ակնհայտությամբ պատճառով չի մատնանշվել աղբյուրում. պաշարողական գծի ետևում և նրա ողջ երկայնքով տեղեկայված էր Կրասոսի բանակը՝ 10 լեգեոնը, հինգ գաշտային ամրացված ճամբարներում, որոնց միջև գործում էր մշակված հազորողակցությունը: Այնուամենայնիվ հռոմեական լեգեոններն անզոր էին խոչընդոտել սպարտակյան բանակի առաջխաղացումը՝ նրանց մոտակայքով և նրանց գասավորության միջով:

Կրասոսի ամրությունների ճեղքման սլահից մինչև Սպարտակի գործերի կործանումը Ասլուլիայում անցած մեկ ամսում (71 թ. մարտ) հռոմեացիներն ըստ ամենայնի չեն կարողացել սլարվել հեծյալների էթնիկական իսկությունը, համենայն դեպս գա միակ հարցը չէր, որ պիտի նրանց մտահոգեր: Այդ ընթացքում, Սպարտակը արիերգարգային ճակատամարտերով նրան հետապնդող լեգեոնների դեմ համառորեն շարժվում էր դեպի Բրուներիզիում: Երթի ժամանակ տեղի ունեցավ ապստամբների ճակատագրական պառակտումը, հավանաբար տակտիկական նկատառումներով: Գերմանակելտական զորքը, որն, թերևս չէր ուզում տեղափոխվել Հունաստան, անջատվեց Սպարտակի բանակից: Կրասոսը իսկույն ևեթ հարվածեց նրան

Լուկանյան լճի մոտ, բայց Սպարտակի արագ մարտադաշտ գալը հարկազրեց հռոմեացիներին նահանջել: Շուտով Կրասոսին հաջողվեց ջախջախել անջատական գորքը՝ ոչնչացնելով 12 հազ. մարդ: Սպարտակն այդ կորստից հետո ստիպված էր հետ նահանջել դեպի Պետելյան սարեր (ժամ. Լա-Սիլա սարահարթ): Նրան կրնկակոխ հետևում էր Կրասոսի ավանգարդը, երկու լեզուներ: Հանկարծակի գրոհով Սպարտակը ջախջախեց նրանց: Հռոմեացիները փախուստի մատնվեցին: Ենորհիվ այդ հաղթանակի, ապստամբների 60 հազ. գորքին հաջողվեց պոկվել, անջատվել Կրասոսից և սրընթաց մոտենալ Բրունդիզիումին<sup>23</sup>:

Հռոմեաստրկական կոիվներն աչքի էին ընկնում փոխադարձ անողորթությամբ: Հռոմեացիները գերի չէին վերցնում ըմբոստ ստրուկներին: Բրունդիզիումի մոտակայքում՝ Ապուլիայում Սպարտակի տված վերջին ճակատամարտում հերոսի մահով նրա հետ միասին ընկավ 55 հազար սպարտակցի մարտիկ: Ճակատամարտը շարունակվեց Սպարտակի զոհվելուց հետո էլ՝ հաջորդ օրը: Ամենայն հավանականությամբ, տիգրանյան հեծելազորը լիովին կիսեց իր մարտակիցների ճակատագիրը և հռոմեացիների համար դժվար էր պարզել, թե սպանվածների զանգվածում ով ով է:

<sup>23</sup> Քաղաքին մոտենալիս պարզվեց, որ այն Մարկոս Լուկուլլոսի նավատորմի և ափ իջած երկու հռոմեական լեգեոնի վերահսկողության տակ է: Հետազոտողները գտնում են, որ Սպարտակի նպատակն էր նավեր գրավել Բրունդիզիումում՝ Հունաստան փոխադրվելու համար: Այդ անտարակուսելի եզրակացությունը, սակայն, հարց է բուսնդակում, արդյոք ապավինում էր Սպարտակը, համառոտն առաջադաշտով դեպի Բրունդիզիում սոսկ պատահաբար գտնել անհրաժեշտ քանակությամբ նավեր: Մ. թ. ա. 83 թ. Սուլլան Իտալիա իր 44 հազ. բանակը Բալկաններից փոխադրեց 1200 նավերով: Ակնհայտ է, որ 60 հազ. գորքի համար անհրաժեշտ էր նավերի ավելի մեծ քանակություն: Հավանական է ենթադրել, որ այդքան լավով նաև Բրունդիզիումում չէր կարող գտնվել: Հետևաբար, որչափևի հիմք ունենք ասելու, որ Սպարտակը վճարաբար շարժվելով դեպի Իրունդիզիում, հույս ունենում էր բախտի բերմունքին, այլ վստահ էր իր գորքերի Հունաստան նավերով տեղափոխման մեջ: Ինչու՞ կարող էր սլայմանավորվել այդ վստահությունը, եթե ոչ նավատորմի սպասումով, որը սլիտի վերցներ նրա գորքերը: Ապուլիանոսի հաղորդմամբ (App. Mithr. 93) ծովահենները հաճախակի ափ էին իջնում Բրունդիզիումի մոտակայքում: Ուստի կարող ենք կռահել, որ 60 հազ. մարդ ընդունելու պատրաստ այդ նավատորմը գալիս էր դեպի Բրունդիզիում և գալիս էր դատարկ, առանց զինված անձնակազմերի: Ծովում կատարվող իրադարձությունները միշտ հռոմեացիների տեսադաշտից դուրս էին մնում: Այդ նավատորմից առաջ անցավ Մարկոս Լուկուլլոսը, փակելով Սպարտակի համար Իտալիայից ելքը: Հարկ է հատուկ անդրադառնալ կիրիկյան ծովահենների դիրքորոշմանը: Աղբյուրների սղություն պատճառով այստեղ անխուսափելի են անպատասխան հարցեր: Նրանց Սպարտակին Սիցիլիա չտեղափոխելու պատճառները (Սպարտակի հետ նախնական պայմանավորվածություն ձեռք բերելուց հետո) անհայտ են: Թ. Սոմգենը (նշվ. աշխ., էջ 74) ոչ անհավանական կռահում է արել, թե ծովահեններին կաշառել էին հռոմեացիները: Ակնհայտաբար, Կրասոսը չէր ցանկանում, որպեսզի Սիցիլիան կրկին հրկիզվի սարկական ապստամբությունից: Երջափակելով Սպարտակին Բրունդիզիումի թերակղզու հարավային ծայրում՝ Կրասոսը սլիտի վստահ լինելը, որ Սպարտակն այնտեղից Սիցիլիա չի կարող տեղափոխվել, այնպես Կրասոսի ձեռնարկած խրամատային պաշարողական աշխատանքներն իրենց իմաստն էին կորցնում: Մյուս կողմից ակնհայտ է, որ Արևելքի արքաները, իրենց շահերից ելնելով, նույնպես չահադրգոված չպիտի լինեին Սիցիլիա Սպարտակի տեղափոխմամբ, որտեղ պատերազմը սլիտի տեղայնական բնույթ ստանար: Նրանց շահերից էր այդ զինուժի տեղափոխումը Արևելք:

Հարկ է նկատի ունենալ, որ կիրիկյան ծովահենները չեն ստեղծել պետություն՝ միասնական և հետևողական արտաքին քաղաքականությամբ: Գոյություն են ունեցել ծովահենների ինքնուրույն գործող զանազան միավորումներ: Հետևաբար, եղած փաստերը հնարավոր է, որ հակասական իրականությունն են արտացոլում. ծովահենների բարիդրացիական հարաբերությունները Տիգրան Մեծի հետ, հայոց թագավորի հանձնարարությունների կատարումը և Կրասոսի հետ ենթադրյալ գործաբար, որը, ի դեպ, իր բնույթով բացառություն էր կիրիկյան ծովահենության հակահռոմեական շարժման համար:

Սպարտակի մոտ Բրուտտարիական թերակղզի անհայտ սեղից եկած հեծելազորի մասին հռոմեացիներն այլևս չէին հիշում: Սպարտակյան բանակի կործանումով 71 թ. մարտի սկզբներին այդ միջազգային վերաբերյալ նրանց հետաքրքրությունը սպառված էր:

Ավարտելով, կցանկանալինք նշել, որ հեծյալների մասին Ապպիանոսի հաղորդման քննությունն անվերապահորեն հանդեցնում է նրանց ոչ տեղացի, այլ եկվոր լինելու մասին եզրակացություն: Հետևաբար, իրավունք ունենք առաջադրելու (բացառման մեթոդին դիմելով) այն բացատրությունը, որ հեծյալներին ուղարկել էր Տիգրան Մեծը: Տվյալ բացատրությունը վարկած է, քանի որ հեծելազորի էթնոքաղաքական պատկանելության վերաբերյալ ուղղակի վկայություններ չկան և հալիվ թե երբևէ լինեն: Սակայն տվյալ վարկածը հաշվի է առնում այն ժամանակի բոլոր իրողությունները. Արևելյան Միջերկրածովքում միջազգային քաղաքական իրադրությունը՝ Տիգրան Մեծի հարաբերությունների բնույթը Հռոմի, Միհրդատ Եվպատորի և կիլիկյան ծովահենների հետ, Տիգրան Մեծի և Միհրդատի շահերը, հեծելազորը նավատորմով իրիսադրելու պրակտիկ կողմերը, ռազմարվեստի ասպեկտները: Այդ ամենը նկատի առնելով, կարծում ենք, որ առաջարկած վարկածը գոյություն իրավունք ունի սպարտակյան ապստամբության և Արևելյան Միջերկրածովքում միջազգային հարաբերությունների սլատմագրության մեջ:

#### К ВОПРОСУ О КОННИЦЕ, ПРИШЕДШЕЙ К СПАРТАКУ (Гипотеза о военных связях Тиграна Великого со Спартаксом)

РУБЕН МАНАСЕРЯН

#### Р е з ю м е

В исследованиях, посвященных восстанию Спартака, не было должным образом рассмотрено сообщение Аппиана о коннице, прибывшей к Спартаксу на юге Бруттийского полуострова, где он был блокирован Крассом системой полевых укреплений протянувшейся от Тирренского моря до Ионического моря. Аппиан сообщает: "Спартак, поджидая откуда-то к нему прибывавших всадников, более не шел в бой со всем войском, ... и так как из всадников многие уже прибыли к нему, Спартак бросился со всем войском через укрепления и устремился на Брундизий".

В сообщении Аппиана обращают на себя внимание следующие факты:

а) несмотря на тяжесть положения войск восставших (угроза голода, скорый приход армии Помпея), конница прибывает к Спартаксу не сразу, а постепенно, небольшим числом. Медленное собирание конницы требует объяснения, ввиду того, что оно происходит в ограниченных пределах южной половины Бруттийского полуострова, на территории протяженностью не более 120-130 км от Мессинского пролива до самого северного из возможных рубежей укреплений Красса. Конница концентрировалась в течение не менее месяца (январь — февраль 71 г.).



б) Из свидетельства Аппиана также явствует, что несмотря на острую необходимость в коннице, Спартак был не в состоянии собрать ее сразу, но ожидал ее, хотя, за исключением проримски настроенных городов (Регии, Вибон и др.) восставшие рабы полностью контролировали остальную, сельскую территорию полуострова. Следовательно, исходный пункт отправления конницы — место ее первоначального нахождения — не был подконтролен Спартаку. То есть прибывавшие постепенно к Спартаку всадники не принадлежали армии восставших. Как пишет Аппиан, всадники прибывали "откуда-то" (ποθεν), из отправного пункта, явно вне расположения армии Спартака.

в) Особенно важно указать, что место, откуда всадники прибывали к Спартаку, осталось неизвестным Аппиану и его источнику (не исключено, что восходящему к самому Саллюстию). Незнание источником места в пределах небольшого горного пространства южной части полуострова остается необъясненным. Подчеркнем, что имеется в виду не единичное передвижение, исходный пункт которого почему-либо мог остаться неизвестным, а неоднократные передвижения конницы, которые происходили на территории, хорошо известной местному населению — информатору римлян.

Следует безоговорочно исключить, что этих всадников могли поставить Спартаку местные города, так же, как и возможность формирования конницы на месте из какого-либо рабского населения. Аппиан описывает действия высокопрофессиональной конницы: постоянные и неожиданные нападения на разных участках римских укреплений, забрасывание их легковоспламеняющимися связками дров. Полное незнание источником первоначального местонахождения конницы в весьма ограниченных пределах Бруттийского полуострова опровергает любую попытку приписать ей местное происхождение и свидетельствует о нахождении этого места за пределами полуострова, т. е. конницу доставляли из-за моря, на кораблях.

Тигран, в 72–69 гг. занятый борьбой в Финикии и Келесирии с признанным в Риме Антиохом XIII, был заинтересован в деблокировании армии Спартака и мог, с помощью флота союзных ему киликийских пиратов, отправить к нему контингент конных лучников.

Римляне не смогли установить происхождение конного контингента за короткий срок с момента его прибытия к Спартаку в январе-феврале 71 г. до его гибели вместе со спартаковской армией в марте 71 г. Морские же пути в Восточном Средиземноморье были вне контроля римлян.

#### ON THE CAVALRY COME TO SPARTACUS (Hypothesis about Tigranes the Great's military communications with Spartacus)

RUBEN MANASERYAN

#### S u m m a r y

Appian's report about the cavalry come to Spartacus when he was cut off from the rest of Italy by Crassus's line of circumvallation on the southern part of Bruttian peninsula hasn't been studied thoroughly yet. Appian writes: "Spartacus, who was expecting a reinforcement of horse

from somewhere, no longer went into battle with his whole army... he resolved to risk a battle and as all of horsemen had already arrived to him he made a dash".

The following facts attract our attention in Appian's report.

a) In spite of insurgent's army grievous situation (menace of hunger) the cavalry comes not at once, but gradually, in small quantity. The slow concentration of cavalry needs an explanation, as it takes place on the limited area of southern part of Bruttian peninsula, in the territory not larger than 120-130 km (from Messanian strait to the most possible northern line of Roman circumvallation). This cavalry was concentrated in not less than a month time (January-February 71).

b) According to Appian's report, though Spartacus was in great need of horsemen he wasn't able to gather them at once (he must have expected them), though he controlled all the southern part of peninsula, except the pro-Roman cities. It means that the initial place of departure of this cavalry was out of Spartacus's power. The horsemen who gathered gradually under Spartacus's order weren't from his army. Just according to Appian they came to Spartacus "from somewhere (ποθεν)" obviously from the spot localized outside of his headquarters.

c) It is necessary to mention that the place from where they had arrived remained unknown to Appian and his sources, probably derived from Sallustius.

This strange ignorance by Appian of cavalry's initial location in the limited, little and mountainous area of southern Bruttium remains inexplicable. It is important to emphasize that we take into account not a single march, the place of departure of which remained unknown for some reasons, but the cavalry's repeated movements, passed in the territory well familiar to local population, the Romans' informant.

It must be excluded that these horsemen could be supplied to Spartacus by Bruttian cities or this cavalry could be organized amid some local slaves as well. Appian describes the actions of high professional cavalry (unexpected and continual attacks upon the Roman circumvallation and throwing fagot's bundles are essential to cavalry's tactics).

So, the complete ignorance of cavalry primordial location by the source within the limited area of Bruttian peninsula refutes any attempts to impute to him local Italian origin and testifies to the place of his location over the peninsula, i. e. the cavalry was supplied over the sea, by the ships.

Tigranes, fighting in 72-69 against king Antiochus XIII, Roman friend and ally and Nabateans in Phoenicia and Coelesyria, was interested in deblockation of Spartacus's army and was able to send a contingent of horse archers to Spartacus.

This military operation Tigranes could realize by means of fleet of Cilician pirates, his allies (Strabo, XIV, 5, 2). The Romans couldn't establish the identity of these horsemen through the short period of time from their coming in January and February 71 to their destruction together with Spartacus's army in March 71. And the maritime routes in Eastern Mediterranean were out of the Romans' control and visibility at this time.